

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-884/07
Sarajevo, 18.10.2007. godine

Z A P I S N I K
**7. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 18. oktobra 2007. godine**

Sjednica je počela u 10.34.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio: delegate, potpredsjednicu Federacije Bosne i Hercegovine Spomenku Mičić, premijera Nedžada Brankovića, zamjenike premijera Vjekoslava Bevandu i Gavriela Grahovca, ministre u Vladi Federacije Bosne i Hercegovine, predstavnike nevladinih organizacija, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak su opravdali Snježana Milavić, Edina Papo i Miro Lazović.

Na osnovu evidencije Stručne službe, predsjedavajući je konstatovao da sjednici prisustvuje 48 delegata, što čini većinu, te Dom naroda može raditi i punovažno odlučivati.

Prije prelaska na rad delegati su bez primjedbi usvojili Zapisnik 6. sjednice Doma naroda Parlamenta Federacije Bosne i Hercegovine, održane 18. septembra 2007. godine.

Nakon toga predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

Delegatska pitanja i inicijative

Muhamed Osmić je izrazio nezadovoljstvo dobijenim odgovorom Federalnog ministarstva zdravstva u vezi sa Jedinim fondom zdravstvene zaštite i ponovo pokrenuo inicijativu da se Odluka o integraciji općine Žepče uputi Uredu visokog predstavnika na tumačenje.

Asim Mekić je izrazio nezadovoljstvo dobijenim odgovorom Ministarstva civilnih poslova Bosne i Hercegovine u vezi sa izmjenama Zakona o matičnim knjigama i pokrenuo inicijativu da se građanima olakša procedura dobijanja dokumenata iz matičnih knjiga.

Isak Ramo postavio je dva pitanja.

Prvo pitanje je uputio premijeru Federacije Nedžad Brankoviću, predsjednici Federacije Bosne i Hercegovine Borjani Krišto, potpredsjednicima Federacije Bosne i Hercegovine Spomenki Mičić i Mirsadu Kebi i Klubu delegata bošnjačkog naroda - zašto nisu prisustvovali dočeku Sefera Halilovića iz Haga.

Drugo pitanje je uputio premijeru Nedžad Brankoviću a tiče se prodaje državne imovine i kao primjer naveo BH Telekom.

Na prvo pitanje odgovor su dali premijer Federacije Nedžad Branković i predsjednik Kluba delegata bošnjačkog naroda Jasenko Tufekčić.

Saša Magazinović je rekao da na pitanja koja je postavio federalnoj ministrici obrazovanja i nauke Melihi Alić i sekretaru Doma naroda Izmiru Hadžiavdzić još nije dobio odgovor.

Uputio je pitanje predsjedavajućem Doma naroda Stjepanu Krešiću - koliko ima savjetnika u njegovom uredu. Također, postavio je pitanje ko su savjetnici nosilaca funkcija u izvršnoj i zakonodavnoj vlasti Federacije Bosne i Hercegovine i koje oblasti oni pokrivaju te zatražio da mu se dostavi spisak svih savjetnika.

Također, sugerisao je Kolegiju Doma naroda da se sjednice radnih tijela održavaju dan prije održavanje sjednica Doma naroda.

Na pitanje koje se odnosi na broj savjetnika u uredu odgovor je dao predsjedavajući Doma naroda Stjepan Krešić.

Elvira Abdić-Jelenović podsjetila je na pitanja na koja nije dobila odgovor.

Uputila je dva pitanja premijeru Nedžad Brankoviću.

Prvo pitanje se odnosi na rušenje bespravno izgrađenih objekata u parku Doma zdravlja Velika Kladuša.

Drugo pitanje je vezano za obraćanje premijera Udruženju za zaštitu nezaposlenih dioničara d.d. „Agrokomerc“ Velika Kladuša.

Emir Frašto uputio je pitanje federalnom ministru zdravstva a tiče se kriterija pri dodjeli zvanja primarius i pokrenuo inicijativu da dodjeljivanje novčanih naknada za to zvanje preuzme Federacija.

Kenan Keserović je zatražio da mu se omogući uvid u Izvještaj Institucije ombudsmena Federacije Bosne i Hercegovine iz 2003. godine i dostavi u pisanoj formi, te da mu se obrazloži zašto se Izvještaj nije dostavio Udruženju za zaštitu nezaposlenih dioničara d.d. „Agrokomerc“ Velika Kladuša.

Svetozar Pudarić je predložio da se na dnevni red naredne sjednice Doma naroda uvrsti točka - Informacija o realizaciji tendera za privatizaciju „Aluminij Mostara“.

Besim Imamović je uputio dva pitanja Federalnom ministarstvu poljoprivrede, vodoprivrede i šumarstva.

Prvo pitanje se odnosi na razloge neprovođenja Zakona o šumama, šta Ministarstvo čini u cilju provođenja ovog Zakona i koji su mehanizmi da se proces dovede do kraja.

Drugo pitanje se odnosi na privatizaciju od 49% u ovoj oblasti.

* * *

Nakon postavljenih delegatskih pitanja i pokrenutih inicijativa prešlo se na utvrđivanje dnevnog reda.

Vlada Federacije dostavila je Prijedlog Zakona o dugu, zaduživanju i garancijama u Federaciji Bosne i Hercegovine i Prijedlog Zakona o proizvodnji i prometu naoružanja i vojne opreme u Federaciji Bosne i Hercegovine sa prijedlogom da se razmatraju po hitnom postupku.

Predsjedavajući je pozvao delegate da se o ovome izjasne i konstatovao sljedeće:

- Dom naroda Parlamenta Federacije Bosne i Hercegovine jednoglasno je prihvatio da se Prijedlog Zakona o dugu, zaduživanju i garancijama u Federaciji Bosne i Hercegovine razmatra po hitnom postupku;
- Dom naroda Parlamenta Federacije Bosne i Hercegovine jednoglasno je prihvatio da se Prijedlog Zakona o proizvodnji i prometu naoružanja i vojne opreme u Federaciji Bosne i Hercegovine razmatra po hitnom postupku.

Vlada Federacije dostavila je Prijedlog Zakona o izmjenama Zakona o utvrđivanju i ostvarivanju tražbina građana u postupku privatizacije sa prijedlogom da se razmatra po skraćenom postupku.

Predsjedavajući je podsjetio delegate da je dostavljen i Prijedlog Zakona o izmjeni Zakona o rudarstvu (predlagač: Nermina Kapetanović, zastupnica u Predstavničkom domu) sa prijedlogom da se razmatra po skraćenom postupku.

Predsjedavajući je pozvao delegate da se o ovome izjasne i konstatovao sljedeće:

- Dom naroda Parlamenta Federacije Bosne i Hercegovine jednoglasno je prihvatio da se Prijedlog Zakona o izmjenama Zakona o utvrđivanju i ostvarivanju tražbina građana u postupku privatizacije razmatra po skraćenom postupku;
- Dom naroda Parlamenta Federacije Bosne i Hercegovine je, sa 40 glasova za i uz četiri glasa protiv, prihvatio da se Prijedlog Zakona o izmjeni Zakona o rudarstvu (predlagač: Nermina Kapetanović, zastupnica u Predstavničkom domu) razmatra po skraćenom postupku.

Predsjedavajući je obavijestio delegate da je Kolegij Doma naroda predložio da se kao 1. tačka dnevnog reda razmatra i Verifikacija mandata novog delegata, što su delegati i prihvatili.

Potom je predsjedavajući dao na glasanje dnevni red u cjelini.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 43 glasa za, uz pet glasova protiv i uz tri uzdržana glasa, usvojio sljedeći:

DNEVNI RED

1. Verifikacija mandata;
2. Nacrt Zakona o porezu na dohodak;
3. Nacrt Zakona o porezu na dobit;
4. Nacrt Zakona o izmjenama i dopunama Zakona o doprinosima;
5. Prijedlog Zakona o dugu, zaduživanju i garancijama u Federaciji Bosne i Hercegovine – hitni postupak;
6. Prijedlog Zakona o proizvodnji i prometu naoružanja i vojne opreme u Federaciji Bosne i Hercegovine – hitni postupak;
7. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak;
8. Prijedlog Zakona o izmjeni Zakona o rudarstvu (predlagač: Nermina Kapetanović, zastupnica u Predstavničkom domu) – skraćeni postupak;
9. Prijedlog Zakona o izmjenama i dopunama Zakona o Trezoru u Federaciji Bosne i Hercegovine;
10. Odluka o izmjenama Odluke o utvrđivanju područja sliva rijeke Une područjem od značaja za Federaciju Bosne i Hercegovine;
11. Odluka o pristupanju izradi Prostornog plana područja posebnih obilježja od značaja za Federaciju Bosne i Hercegovine - sliv rijeke Une za period 2007-2027. godina;
12. Nacrt Zakona o Nacionalnom parku «Una»;
13. Prijedlog Srednjoročne strategije razvoja poljoprivrednog sektora u Federaciji Bosne i Hercegovine (2006-2010);
14. a) Odluka o davanju saglasnosti za prihvatanje kredita njemačke banke Kreditanstalt für Wiederaufbau (KfW) Frankfurt na Majni za Projekt “Obnova sistema vodosnabdijevanja i otpadnih voda u gradskim područjima Bosne i Hercegovine”,
b) Odluka o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit njemačke banke Kreditanstalt für Wiederaufbau (KfW) Frankfurt na Majni za Projekt “Obnova sistema vodosnabdijevanja i otpadnih voda u gradskim područjima Bosne i Hercegovine”,
c) Informacija o kreditu njemačke banke Kreditanstalt für Wiederaufbau (KfW) Frankfurt na Majni za Projekt “Obnova sistema vodosnabdijevanja i otpadnih voda u gradskim područjima Bosne i Hercegovine”;
15. a) Odluka o davanju saglasnosti za prihvatanje zajma Evropske banke za obnovu i razvoj (EBRD) za finansiranje Projekta “Rekonstrukcija puteva”,
b) Odluka o davanju saglasnosti za zaključivanje Supsidijarnog ugovora o zajmu između Federacije Bosne i Hercegovine i

- Bosne i Hercegovine za zajam Evropske banke za obnovu i razvoj (EBRD) za Projekt "Rekonstrukcija puteva",
- c) Informacija o finansiranju Projekta "Rekonstrukcija puteva" iz kredita Evropske banke za obnovu i razvoj (EBRD) sa zaključcima Vlade Federacije Bosne i Hercegovine;
16. a) Odluka o davanju saglasnosti na Sporazum o izmjeni i dopuni Finansijskog ugovora između Bosne i Hercegovine i Evropske investicione banke za "Projekt za puteve Bosne i Hercegovine (Sarajevska zaobilaznica)",
- b) Sporazum o izmjeni i dopuni Finansijskog ugovora broj: FINo 20.515 BA između Evropske investicione banke (EIB) i Bosne i Hercegovine za "Projekt za puteve Bosne i Hercegovine (Sarajevska zaobilaznica)",
- c) Informacija o finansiranju "Projekta za puteve Bosne i Hercegovine (Sarajevska zaobilaznica)" iz kredita Evropske investicione banke sa zaključcima Vlade Federacije Bosne i Hercegovine;
17. Odluka o imenovanju članova u Zajedničku komisiju za usaglašavanje Prijedloga Zakona o Javnom servisu RTV Federacije Bosne i Hercegovine;
18. Statut Zavoda za transfuzijsku medicinu Federacije Bosne i Hercegovine;
19. Izvještaj o izvršenju Finansijskog plana Federalnog fonda solidarnosti za 2006. godinu;
20. Izvještaj o radu Federalnog zavoda za zapošljavanje za 2006. godinu;
21. Izvještaj o radu Federalnog pravobranilaštva za 2006. godinu;
22. Izbor i imenovanja.

1. Verifikacija mandata

Centralna izborna komisija Bosne i Hercegovine je obavijestila Dom naroda Parlamenta Federacije Bosne i Hercegovine da je dodijelila mandat **Miki Lešiću**, sljedećem kvalifikovanom kandidatu iz reda srpskog naroda.

Mandatno-imunitetska komisija je razmatrala ovaj prijedlog i dostavila Izvještaj Domu naroda.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, jednoglasno, usvojio Izvještaj Mandatno-imunitetske komisije i time verifikovao mandat delegatu u Domu naroda Parlamenta Federacije Bosne i Hercegovine **Miki Lešiću** iz reda srpskog naroda.

Nakon toga delegat Miki Lešić dao je zakletvu.

2. Nacrt Zakona o porezu na dohodak

3. Nacrt Zakona o porezu na dobit

4. Nacrt Zakona o izmjenama i dopunama Zakona o doprinosima

Predsjedavajući je predložio da se o ovim nacrtima zakona vodi zajednički pretres a izjašnjavanje obavi pojedinačno, što su delegati i prihvatili.

Predstavnički dom Parlamenta Federacije Bosne i Hercegovine je na 5. sjednici, održanoj 26.09.2007. godine, razmatrao ove nacрте i zaključkom ih prihvatio.

Nacрте zakona su razmatrala i nadležna radna tijela i dostavila svoje izvještaje.

Nacрте zakona su, ispred Vlade Federacije, obrazložili: federalni ministar finansija Vjekoslav Bevanda, Hajrudin Hadžimehanović i Mira Bradara, pomoćnica ministra u Federalnom ministarstvu finansija.

U pretresu su učestvovali: Svetozar Pudarić, Jasenko Tufekčić, predsjednik Kluba delegata bošnjačkog naroda, Hasan Tafro, Muhamed Osmić i Tomo Vidović.

Nakon toga se prešlo na pojedinačno izjašnjavanje o ovim nacrtima zakona.

Nacrt Zakona o porezu na dohodak

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 37 glasova za i uz sedam uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o porezu na dohodak i smatra da može poslužiti kao osnova za izradu prijedloga Zakona.
2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu sve primjedbe, prijedloge i sugestije iznesene na sjednici.

Nacrt Zakona o porezu na dobit

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za, uz jedan glas protiv i uz osam uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o porezu na dobit i smatra da može poslužiti kao osnova za izradu prijedloga Zakona.
2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu sve primjedbe, prijedloge i sugestije iznesene na sjednici.

Nacrt Zakona o izmjenama i dopunama Zakona o doprinosima

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za i uz devet uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o doprinosima i smatra da može poslužiti kao osnova za izradu prijedloga Zakona.
2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu sve primjedbe, prijedloge i sugestije iznesene na sjednici.

5. Prijedlog Zakona o dugu, zaduživanju i garancijama u Federaciji Bosne i Hercegovine

Prijedlog Zakona je utvrdila Vlada Federacije.

Predstavnički dom Parlamenta Federacije Bosne i Hercegovine je na 5. sjednici, održanoj 25.09.2007. godine, usvojio Prijedlog Zakona o dugu, zaduživanju i garancijama u Federaciji Bosne i Hercegovine sa dva amandmana koje Vlada Federacije nije prihvatila, ali ih je Predstavnički dom izglasao.

Predstavnički dom je, također, usvojio i Zaključak.

Prijedlog Zakona je obrazložio predstavnik Vlade Federacije Bosne i Hercegovine.

U pretresu su učestvovali: Tomo Vidović, predsjednik Kluba delegata hrvatskog naroda, Josip Perić, Jasenko Tufekčić, Svetozar Pudarić, Besim Imamović, Alija Begović, Mira Ljubijankić, predsjednica Kluba delegata srpskog naroda koja je ispred Kluba predložila Zaključak i Mirsad Pindžo koji je podnio tri amandmana od kojih je kasnije odustao.

Nakon toga Dom naroda se izjašnjavao o amandmanima koje je Predstavnički dom izglasao, ali ih Vlada Federacije nije prihvatila.

Amandman I, koji se odnosi na član 7. stav 2., prihvaćen je većinom glasova jer je za njega glasalo 38 delegata, pet delegata je bilo protiv a tri delegata su bila uzdržana.

Amandman II, koji se odnosi na član 7. stav 3., prihvaćen je većinom glasova jer je za njega glasalo 40 delegata, četiri delegata su bila protiv a tri delegata su bila uzdržana.

Amandmani glase:

Amandman I

U članu 7. u stavu 2. izraz "5%" mijenja se izrazom "10%".

Amandman II

U članu 7. u stavu 3. izraz "3%" mijenja se i glasi: "10% prihoda ostvarenih u prethodnoj fiskalnoj godini".

Ostatak rečenice se briše.

Nakon toga predsjedavajući je dao na glasanje Prijedlog Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 47 glasova, usvojio Prijedlog Zakona o dugu, zaduživanju i garancijama u Federaciji Bosne i Hercegovine.

Potom je predsjedavajući dao na glasanje Zaključak Kluba delegata srpskog naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno usvojio sljedeći:

ZAKLJUČAK

Zadužuje se Vlada Federacije Bosne i Hercegovine da najkasnije do 01.07.2008. godine, nakon utvrđivanja stvarnog stanja u ovoj oblasti, pristupi izmjenama i dopunama Zakona o dugu, zaduživanju i garancijama u Federaciji Bosne i Hercegovine kako bi se na toj osnovi odredio i procentualni iznos zaduženja općina.

6. Prijedlog Zakona o proizvodnji i prometu naoružanja i vojne opreme u Federaciji Bosne i Hercegovine

Prijedlog Zakona je utvrdila Vlada Federacije Bosne i Hercegovine.

Predstavnički dom Parlamenta Federacije Bosne i Hercegovine je na 5. sjednici, održanoj 25.09.2007. godine, usvojio Prijedlog Zakona o proizvodnji i prometu naoružanja i vojne opreme u Federaciji Bosne i Hercegovine u tekstu kako ga je predložila Vlada Federacije.

Na Prijedlog Zakona amandman je podnio Svetozar Pudarić. Amandman se odnosi na član 13. stav 1. ovog Zakona.

Prijedlog Zakona su razmatrala i nadležna radna tijela i dostavila svoje izvještaje.

Prijedlog Zakona je obrazložio Stipe Buljan, predstavnik Vlade Federacije.

U pretresu je učestvovao Hasan Tafro i predložio zaključak.

Ispred Vlade Federacije Stipe Buljan je prihvatio amandman Svetozara Pudarića, s tim da je predložio da se on tretira kao tehnička ispravka kako bi Zakon bio usvojen u istovjetnom tekstu kao i u Predstavničkom domu, što je Svetozar Pudarić prihvatio.

Tehnička ispravka glasi: "U članu 13. na kraju stava 1. briše se tačka, piše zarez i dodaju riječi: "a to područje se ne smatra građevinskim zemljištem"."

Nakon toga predsjedavajući je dao na glasanje Prijedlog Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova, usvojio Prijedlog Zakona o proizvodnji i prometu naoružanja i vojne opreme u Federaciji Bosne i Hercegovine.

Potom je predsjedavajući dao na glasanje Zaključak.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno usvojio sljedeći:

ZAKLJUČAK

Obavezuje se Vlada Federacije Bosne i Hercegovine da u Strategiji razvoja namjenske proizvodnje zbog niskog stepena korištenja postojećih kapaciteta izvrši prestrukturiranje firmi iz oblasti namjenske proizvodnje kako bi se kapaciteti koji nisu u funkciji iskoristili u druge namjene.

7. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije

Prijedlog Zakona je utvrdila Vlada Federacije.

Predstavnički dom Parlamenta Federacije Bosne i Hercegovine je na 5. sjednici, održanoj 25.09.2007. godine, usvojio Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije u tekstu kako ga je predložila Vlada Federacije.

Prijedlog Zakona su razmatrala i nadležna radna tijela i dostavila svoje izvještaje.

U pretresu nije niko učestvovao.

Nakon toga predsjedavajući je dao na glasanje Prijedlog Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova,

usvojio Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije.

8. Prijedlog Zakona o izmjeni Zakona o rudarstvu (predlagač: Nermina Kapetanović, zastupnica u Predstavničkom domu)

Budući da predlagač Zakona Nermina Kapetanović nije bila prisutna predsjedavajući je predložio da se odgodi rasprava i izjašnjavanje o ovoj tački sa čim su se delegati složili.

9. Prijedlog Zakona o izmjenama i dopunama Zakona o Trezoru u Federaciji Bosne i Hercegovine

Prijedlog Zakona je utvrdila Vlada Federacije.

Predstavnički dom Parlamenta Federacije Bosne i Hercegovine je na 5. sjednici, održanoj 25.09.2007. godine, usvojio Prijedlog Zakona o izmjenama i dopunama Zakona o Trezoru u Federaciji Bosne i Hercegovine u tekstu kako ga je predložila Vlada Federacije.

Prijedlog Zakona su razmatrala i nadležna radna tijela i dostavila svoje izvještaje.

Prijedlog Zakona je obrazložio Pero Ivošević, predstavnik Vlade Federacije Bosne i Hercegovine.

U pretresu nije niko učestvovao.

Nakon toga predsjedavajući je dao na glasanje Prijedlog Zakona o izmjenama i dopunama Zakona o Trezoru u Federaciji Bosne i Hercegovine.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova, usvojio Prijedlog Zakona o izmjenama i dopunama Zakona o Trezoru u Federaciji Bosne i Hercegovine.

10. Odluka o izmjenama Odluke o utvrđivanju područja sliva rijeke Une područjem od značaja za Federaciju Bosne i Hercegovine

Odluku je donijela Vlada Federacije i dostavila Parlamentu Federacije na razmatranje i usvajanje.

Predstavnički dom Parlamenta Federacije Bosne i Hercegovine je na 5. sjednici, održanoj 25.09.2007. godine, usvojio Odluku o izmjenama Odluke o utvrđivanju područja sliva rijeke Une područjem od značaja za Federaciju Bosne i Hercegovine

Odluku su razmatrala i nadležna radna tijela i dostavila svoje izvještaje.

U pretresu nije niko učestvovao.

Nakon toga predsjedavajući je dao na glasanje Odluku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 38 glasova za i uz dva uzdržana glasa, usvojio Odluku o izmjenama Odluke o utvrđivanju područja sliva rijeke Une područjem od značaja za Federaciju Bosne i Hercegovine.

11. Odluka o pristupanju izradi Prostornog plana područja posebnih obilježja od značaja za Federaciju Bosne i Hercegovine - sliv rijeke Une za period 2007-2027. godina

Odluku je donijela Vlada Federacije i dostavila Parlamentu Federacije na razmatranje i odobravanje.

Predstavnički dom Parlamenta Federacije Bosne i Hercegovine je na 5. sjednici, održanoj 25.09.2007. godine, usvojio Odluku o pristupanju izradi Prostornog plana područja posebnih obilježja od značaja za Federaciju Bosne i Hercegovine - sliv rijeke Une za period 2007-2027. godina.

Odluku su razmatrala i nadležna radna tijela i dostavila svoje izvještaje.

U pretresu nije niko učestvovao.

Nakon toga predsjedavajući je dao na glasanje Odluku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom za i uz jedan uzdržani glas, donio Odluku kojom je odobrio Odluku o pristupanju izradi Prostornog plana područja posebnih obilježja od značaja za Federaciju Bosne i Hercegovine - sliv rijeke Une za period 2007-2027. godina.

12. Nacrt Zakona o Nacionalnom parku "Una"

Nacrt Zakona je utvrdila Vlada Federacije.

Predstavnički dom Parlamenta Federacije Bosne i Hercegovine je na 5. sjednici, održanoj 25.09.2007. godine, razmatrao Nacrt Zakona i Zaključkom ga prihvatio.

Nacrt Zakona su razmatrala i nadležna radna tijela i dostavila svoje izvještaje.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 42 glasa, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvata Nacrt Zakona o Nacionalnom parku "Una" i smatra da može poslužiti kao osnova za izradu prijedloga Zakona.

13. Prijedlog Srednjoročne strategije razvoja poljoprivrednog sektora u Federaciji Bosne i Hercegovine (2006-2010)

Prijedlog Strategije je utvrdila Vlada Federacije.

Predstavnički dom Parlamenta Federacije Bosne i Hercegovine je na nastavku 5. sjednice, održane 02.10.2007. godine, usvojio Prijedlog Srednjoročne strategije razvoja poljoprivrednog sektora u Federaciji Bosne i Hercegovine (2006-2010) sa zaključcima.

Prijedlog Strategije su razmatrala i nadležna radna tijela i dostavila svoje izvještaje.

Ispred Vlade Federacije Prijedlog Strategije je obrazložio Damir Ljubić, federalni ministar poljoprivrede, vodoprivrede i šumarstva.

Ispred Odbora za poljoprivredu, vodoprivredu i šumarstvo Izvještaj je obrazložio Zoran Budimić i predložio zaključke.

U raspravi su učestvovali: Jasenko Tufekčić, Mislav Sučić, Besim Imamović, Tomo Vidović, Mira Ljubijankić, Zoran Budimić, Svetozar Pudarić, Nikola Simić, Asim Mekić i federalni ministar poljoprivrede, vodoprivrede i šumarstva Damir Ljubić.

Nakon toga predsjedavajući je dao na glasanje Prijedlog Srednjoročne strategije.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 47 glasova za i uz jedan uzdržani glas, usvojio Prijedlog Srednjoročne strategije razvoja poljoprivrednog sektora u Federaciji Bosne i Hercegovine (2006-2010).

Dom naroda je, također, usvojio i sljedeće:

ZAKLJUČKE

1. Zadužuje se Vlada Federacije Bosne i Hercegovine da u cilju učinkovitijeg realiziranja planiranih ciljeva utvrđenih u Prijedlogu Srednjoročne strategije razvoja poljoprivrednog sektora u Federaciji Bosne i Hercegovine (2006-2010) intenzivira aktivnosti na donošenju nedostajućih, odnosno na izmjenama i dopunama postojećih propisa iz ove oblasti.
2. Zadužuje se Vlada Federacije Bosne i Hercegovine da redovno i cjelovito prati realiziranje mjera i aktivnosti utvrđenih u Strategiji i najmanje jednom godišnje podnosi izvještaj Parlamentu Federacije Bosne i Hercegovine o ostvarenim ciljevima i zadacima.

3. Zadužuje se Vlada Federacije Bosne i Hercegovine, Federalno ministarstvo poljoprivrede, vodoprivrede i šumarstva i nadležne institucije u Federaciji Bosne i Hercegovine da poduzmu mjere na popunjavanju nedostajućih stručnih kadrova, na formiranju stručnih savjetodavnih službi u oblasti poljoprivrede (definiranje organizacije rada, kadrovsko osposobljavanje, opremanje i nabavka uređaja i druge opreme neophodne za rad ovih službi, način finansiranja i dr.).
 4. Zadužuje se Vlada Federacije Bosne i Hercegovine da intenzivira aktivnosti inspeksijskih i drugih službi na zaštiti domaće poljoprivredne proizvodnje.
 5. Srednjoročna strategija razvoja poljoprivrednog sektora u Federaciji Bosne i Hercegovine (2006-2010) dostavit će se Uredu Visokog predstavnika, delegaciji Evropske komisije u Bosni i Hercegovini i Vijeću ministara Bosne i Hercegovine.
- 14. a) Odluka o davanju saglasnosti za prihvatanje kredita njemačke banke Kreditanstalt fur wiederaufbau (KfW) Frankfurt na Majni za Projekt "Obnova sistema vodosnabdijevanja i otpadnih voda u gradskim područjima Bosne i Hercegovine"**
- b) Odluka o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit njemačke banke Kreditanstalt fur wiederaufbau (KfW) Frankfurt na Majni za Projekt "Obnova sistema vodosnabdijevanja i otpadnih voda u gradskim područjima Bosne i Hercegovine"**
- c) Informacija o kreditu njemačke banke Kreditanstalt fur wiederaufbau (KfW) Frankfurt na Majni za Projekt "Obnova sistema vodosnabdijevanja i otpadnih voda u gradskim područjima Bosne i Hercegovine"**

Odluke je donijela Vlada Federacije i dostavila ih Parlamentu Federacije Bosne i Hercegovine na razmatranje i odobravanje.

Predstavnički dom je na nastavku 5. sjednice, održane 02.10.2007. godine, odobrio ove odluke.

Ove odluke su razmatrala i nadležna radna tijela i dostavila svoje izvještaje.

Predsjedavajući je predložio da se o ovim odlukama vodi zajednička rasprava a izjašnjavanje obavi pojedinačno, što su delegati i prihvatili.

U raspravi nije niko učestvovao.

a) Odluka o davanju saglasnosti za prihvatanje kredita njemačke banke Kreditanstalt für Wiederaufbau (KfW) Frankfurt na Majni za Projekt "Obnova sistema vodosnabdijevanja i otpadnih voda u gradskim područjima Bosne i Hercegovine"

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 46 glasova, donio Odluku kojom je odobrio Odluku o davanju saglasnosti za prihvatanje kredita njemačke banke Kreditanstalt für Wiederaufbau (KfW) Frankfurt na Majni za Projekt "Obnova sistema vodosnabdijevanja i otpadnih voda u gradskim područjima Bosne i Hercegovine".

b) Odluka o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit njemačke banke Kreditanstalt für Wiederaufbau (KfW) Frankfurt na Majni za Projekt "Obnova sistema vodosnabdijevanja i otpadnih voda u gradskim područjima Bosne i Hercegovine"

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 46 glasova, donio Odluku kojom je odobrio Odluku o davanju saglasnosti za zaključivanje Supsidijarnog kreditnog sporazuma između Federacije Bosne i Hercegovine i Bosne i Hercegovine za kredit njemačke banke Kreditanstalt für Wiederaufbau (KfW) Frankfurt na Majni za Projekt "Obnova sistema vodosnabdijevanja i otpadnih voda u gradskim područjima Bosne i Hercegovine".

c) Informacija o kreditu njemačke banke Kreditanstalt für Wiederaufbau (KfW) Frankfurt na Majni za Projekt "Obnova sistema vodosnabdijevanja i otpadnih voda u gradskim područjima Bosne i Hercegovine"

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 46 glasova, usvojio sljedeći:

Z A K L J U Č A K

Dom naroda Parlamenta Federacije Bosne i Hercegovine prima na znanje Informaciju o kreditu njemačke banke Kreditanstalt für Wiederaufbau (KfW) Frankfurt na Majni za Projekt "Obnova sistema vodosnabdijevanja i otpadnih voda u gradskim područjima Bosne i Hercegovine".

15. a) **Odluka o davanju saglasnosti za prihvatanje zajma Evropske banke za obnovu i razvoj (EBRD) za finansiranje Projekta "Rekonstrukcija puteva"**
- b) **Odluka o davanju saglasnosti za zaključivanje Supsidijarnog ugovora o zajmu između Federacije Bosne i Hercegovine i Bosne i Hercegovine za zajam Evropske banke za obnovu i razvoj (EBRD) za Projekt "Rekonstrukcija puteva"**
- c) **Informacija o finansiranju Projekta "Rekonstrukcija puteva" iz kredita Evropske banke za obnovu i razvoj (EBRD) sa zaključcima Vlade Federacije Bosne i Hercegovine**

Odluke je donijela Vlada Federacije i dostavila ih Parlamentu Federacije Bosne i Hercegovine na razmatranje i odobravanje.

Predstavnički dom je na nastavku 5. sjednice, održane 02.10.2007. godine, odobrio ove odluke.

Odluke su razmatrala i nadležna radna tijela i dostavila svoje izvještaje.

Predsjedavajući je predložio da se o ovim odlukama vodi zajednička rasprava a izjašnjavanje obavi pojedinačno, što su delegati i prihvatili.

U raspravi su učestvovali Svetozar Pudarić, Asim Mekić i Igor Rajner.

- a) **Odluka o davanju saglasnosti za prihvatanje zajma Evropske banke za obnovu i razvoj (EBRD) za finansiranje Projekta "Rekonstrukcija puteva"**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 42 glasa za i uz jedan uzdržani glas, donio Odluku kojom je odobrio Odluku o davanju saglasnosti za prihvatanje zajma Evropske banke za obnovu i razvoj (EBRD) za finansiranje Projekta "Rekonstrukcija puteva".

- b) **Odluka o davanju saglasnosti za zaključivanje Supsidijarnog ugovora o zajmu između Federacije Bosne i Hercegovine i Bosne i Hercegovine za zajam Evropske banke za obnovu i razvoj (EBRD) za Projekt «Rekonstrukcija puteva»**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 42 glasa za i uz jedan uzdržani glas, donio Odluku kojom je odobrio Odluku o davanju saglasnosti za zaključivanje Supsidijarnog ugovora o zajmu između Federacije Bosne i Hercegovine i Bosne i Hercegovine za zajam Evropske banke za obnovu i razvoj (EBRD) za Projekt "Rekonstrukcija puteva".

c) Informacija o finansiranju Projekta “Rekonstrukcija puteva” iz kredita Evropske banke za obnovu i razvoj (EBRD) sa zaključcima Vlade Federacije Bosne i Hercegovine

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prima na znanje Informaciju o finansiranju Projekta “Rekonstrukcija puteva” iz kredita Evropske banke za obnovu i razvoj (EBRD) sa zaključcima Vlade Federacije Bosne i Hercegovine.

Dom naroda je na prijedlog Igora Rajnera jednoglasno usvojio i sljedeći:

ZAKLJUČAK

Zadužuje se Vlada Federacije Bosne i Hercegovine da Domu naroda Parlamenta Federacije Bosne i Hercegovine dostavi Informaciju o stanju kompletne infrastrukture (regionalne, magistralne i lokalne ceste) u Federaciji Bosne i Hercegovine u posljednjih pet godina sa projekcijom za naredni period.

- 16. a) Odluka o davanju saglasnosti na Sporazum o izmjeni i dopuni Finansijskog ugovora između Bosne i Hercegovine i Evropske investicione banke za “Projekt za puteve Bosne i Hercegovine (Sarajevska zaobilaznica)”**
- b) Sporazum o izmjeni i dopuni Finansijskog ugovora broj: FINo 20.515 BA između Evropske investicioine banke (EIB) i Bosne i Hercegovine za “Projekt za puteve Bosne i Hercegovine (Sarajevska zaobilaznica)”**
- c) Informacija o finansiranju “Projekta za puteve Bosne i Hercegovine (Sarajevska zaobilaznica)” iz kredita Evropske Investicione banke sa zaključcima Vlade Federacije Bosne i Hercegovine**

Odluke je donijela Vlada Federacije i dostavila ih Parlamentu Federacije Bosne i Hercegovine na razmatranje i odobravanje.

Predstavnički dom je na 4. sjednici, održanoj 11.09.2007. godine, odobrio ove odluke.

Odluke su razmatrala i nadležna radna tijela i dostavila svoje izvještaje.

Predsjedavajući je predložio da se o ovim odlukama vodi zajednička rasprava a izjašnjavanje obavi pojedinačno, što su delegati i prihvatili.

U raspravi su učestvovali Mislav Sučić, Igor Rajner i Mirsad Pindžo.

a) Odluka o davanju saglasnosti na Sporazum o izmjeni i dopuni Finansijskog ugovora između Bosne i Hercegovine i Evropske investicione banke za “Projekat za puteve Bosne i Hercegovine (Sarajevska zaobilaznica)”

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova za i uz jedan uzdržani glas, donio Odluku kojom je odobrio Odluku o davanju saglasnosti na Sporazum o izmjeni i dopuni Finansijskog ugovora između Bosne i Hercegovine i Evropske investicione banke za “Projekt za puteve Bosne i Hercegovine (Sarajevska zaobilaznica)”.

b) Sporazum o izmjeni i dopuni Finansijskog ugovora broj: FINo 20.515 BA između Evropske investicione banke (EIB) i Bosne i Hercegovine za “Projekat za puteve Bosne i Hercegovine (Sarajevska zaobilaznica)”

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom, donio Odluku kojom je odobrio Sporazum o izmjeni i dopuni Finansijskog ugovora broj: FINo 20.515 BA između Evropske investicione banke (EIB) i Bosne i Hercegovine za “Projekt za puteve Bosne i Hercegovine (Sarajevska zaobilaznica)”.

c) Informacija o finansiranju “Projekta za puteve Bosne i Hercegovine (Sarajevska zaobilaznica)” iz kredita Evropske investicione banke sa zaključcima Vlade Federacije Bosne i Hercegovine

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 42 glasa za i uz jedan glas protiv, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prima na znanje Informaciju o finansiranju “Projekta za puteve Bosne i Hercegovine (Sarajevska zaobilaznica)” iz kredita Evropske Investicione banke sa zaključcima Vlade Federacije Bosne i Hercegovine.

17. Odluka o imenovanju članova u Zajedničku komisiju za usaglašavanje Prijedloga Zakona o Javnom servisu RTV Federacije Bosne i Hercegovine

Predstavnički dom je obavijestio Dom naroda da je na nastavku 4. sjednice, održane 11.09.2007. godine, donio Odluku o izboru članova u Zajedničku komisiju za usaglašavanje Prijedloga Zakona o Javnom servisu RTV Federacije Bosne i Hercegovine.

Iz Predstavničkog doma Parlamenta Federacije Bosne i Hercegovine u Zajedničku komisiju izabrani su: Ibrahim Nadarević, Munib Jusufović, Mato Franjičević, Slavica Josipović, Nermin Nikšić, Kerim Lučarević i Vesna Saradžić.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno donio Odluku kojom su iz Doma naroda u Zajedničku komisiju za usaglašavanje Prijedloga Zakona o Javnom servisu RTV Federacije Bosne i Hercegovine izabrani **Radoje Vidović, Željko Asić, Jasenko Tufekčić, Sead Čaušević, Svetozar Pudarić, Bojan Bošnjak i Emir Frašto.**

18. Statut Zavoda za transfuzijsku medicinu Federacije Bosne i Hercegovine

Statut Zavoda za transfuzijsku medicinu Federacije Bosne i Hercegovine utvrdila je Vlada Federacije i dostavila Parlamentu Federacije na razmatranje i davanje saglasnosti.

Predstavnički dom je na nastavku 4. sjednice, održane 11.09.2007. godine, donio Odluku o davanju saglasnosti na Statut i usvojio dva amandmana zastupnika u Predstavničkom domu Midhata Osmanovića, koje je Vlada Federacije naknadno Zaključkom prihvatila i o tome obavijestila Dom naroda.

Amandman I

U članu 15. stav 4. mijenja se i glasi:

“Mandat članova Upravnog odbora traje četiri godine i mogu biti ponovo imenovani a najviše za još jedan mandatni period.”

Amandman II

U članu 24. stav 3. mijenja se i glasi:

“Po isteku mandata ista osoba na osnovu konkursa može biti ponovo imenovana za direktora Zavoda a najviše za još jedan mandatni period.”

Predstavnički dom nije razmatrao izmjene u čl. 15. i 24. o čemu je Federalno ministarstvo zdravstva dopisom obavijestilo Dom naroda.

Statut su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 43 glasa za, donio Odluku o davanju saglasnosti na Statut Zavoda za transfuzijsku medicinu Federacije Bosne i Hercegovine.

Odluka o davanju saglasnosti na Statut data je na različit tekst u oba doma Parlamenta Federacije Bosne i Hercegovine pa je potrebno da Predstavnički dom **usaglasí tekst Statuta**, tj. da prihvati navedene amandmane.

19. Izvještaj o izvršenju Finansijskog plana Federalnog fonda solidarnosti za 2006. godinu

Izvještaj o izvršenju Finansijskog plana Federalnog fonda solidarnosti za 2006. godinu koje je pripremio Zavod zdravstvenog osiguranja i reosiguranja Federacije Bosne i Hercegovine razmatrala je Vlada Federacije i dostavila Parlamentu Federacije na razmatranje i usvajanje.

Predstavnički dom je na nastavku 4. sjednice, održane 11.09.2007. godine, Zaključkom prihvatio Izvještaj o izvršenju Finansijskog plana Federalnog fonda solidarnosti za 2006. godinu.

Izvještaj su razmatrala nadležna radna tijela i dostavila svoje izvještaje.

U raspravi je učestvovala Mira Ljubijankić.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 42 glasa za, usvojio sljedeći:

ZAKLJUČAK

Dom naroda Parlamenta Federacije Bosne i Hercegovine prihvata Izvještaj o izvršenju Finansijskog plana Federalnog fonda solidarnosti za 2006. godinu.

20. Izvještaj o radu Federalnog zavoda za zapošljavanje za 2006. godinu

Izvještaj o radu Federalnog zavoda za zapošljavanje za 2006. godinu utvrdila je Vlada Federacije.

Predstavnički dom je na nastavku 3. sjednice, održane 04.07.2007. godine, prihvatio Izvještaj o radu Federalnog zavoda za zapošljavanje za 2006. godinu i tom prilikom usvojio zaključke.

Izvještaj su razmatrala nadležna radna tijela i dostavila svoje izvještaje.

Izvještaj je obrazložio Ivica Lukačević, izvršni direktor u Federalnom Zavodu za zapošljavanje.

U raspravi su učestvovali: Mirsad Pindžo, Elvira Abdić-Jelenović, Jasenko Tufekčić, Saša Magazinović, Besim Imamović koji je predložio zaključke, Muharem Serbezovski, Ivica Lukačević, Ivo Komšić, Alija Begović, Asim Mekić, Muhamed Osmić, Tomo Vidović, Jasmina Hercegovac, predstavnica Federalnog ministarstva rada i socijalne politike.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije prihvatio Izvještaj o radu Federalnog zavoda za zapošljavanje za 2006. godinu jer nije dobio potrebnu većinu glasova.

Nakon toga Dom naroda Parlamenta Federacije je, sa 49 glasova za i uz jedan uzdržani glas, usvojio sljedeći:

ZAKLJUČAK

1. Zadužuje se Parlamentarna komisija odgovorna za reviziju da Domu naroda Parlamenta Federacije Bosne i Hercegovine dostavi izvještaj o Izvještaju Federalnog zavoda za zapošljavanje.
2. Zadužuje se Federalni zavod za zapošljavanje da Domu naroda Parlamenta Federacije Bosne i Hercegovine dostavi pregled korisnika za 2006. godinu.
3. Zadužuju se Vlada Federacije Bosne i Hercegovine i resorno ministarstvo da predlože program mjera za prevazilaženje stanja u Federalnom zavodu za zapošljavanje.

21. Izvještaj o radu Federalnog pravobranilaštva za 2006. godinu

Izvještaj o radu Federalnog pravobranilaštva za 2006. godinu dostavilo je Federalno pravobranilaštvo.

Predstavnički dom je na nastavku 4. sjednice, održane 11.09.2007. godine, Zaključkom prihvatio Izvještaj o radu Federalnog pravobranilaštva za 2006. godinu.

Izvještaj su razmatrala nadležna radna tijela i dostavila svoje izvještaje.

U raspravi su učestvovali: Sead Čaušević koji je predložio zaključke ispred Odbora za pravdu, opću upravu i lokalnu samoupravu, Svetozar Pudarić, Jasenko Tufekčić, Mirsad Pindžo, August Janček, federalni pravobranilac i Elvira Abdić-Jelenović.

Na osnovu rezultata poimeničnog glasanja, koje je obavio Izmir Hadžićević, sekretar Doma naroda, predsjedavajući je konstatovao da je Dom naroda, sa 33 glasa za i uz 17 uzdržanih glasova, prihvatio Izvještaj o radu Federalnog pravobranilaštva za 2006. godinu i tom prilikom usvojio sljedeći:

ZAKLJUČAK

1. Obavezuje se Federalno pravobranilaštvo da u roku od 30 dana sačini informaciju o radu Federalnog pravobranilaštva, precizira probleme sa kojim se susreće i prezentira prijedlog za prevazilaženje svih uočenih i decidiranih problema.
2. Dom naroda Parlamenta Federacije Bosne i Hercegovine skreće pažnju svim organima državne uprave na zakonsku obavezu dostavljanja na mišljenje svih ugovora Federalnom pravobranilaštvu, kao i zaključene ugovore nakon potpisivanja ugovora.

22. Izbor i imenovanja

a) Prijedlog Odluke o potvrđivanju Odluke o imenovanju sudije Ustavnog suda Federacije Bosne i Hercegovine

Odluku o imenovanju Farisa Vehabovića za sudiju Ustavnog suda Federacije Bosne i Hercegovine donijela je Borjana Krišto, predsjednica Federacije Bosne i Hercegovine, uz saglasnost potpredsjednika Federacije i dostavila Domu naroda Parlamenta Federacije Bosne i Hercegovine na potvrđivanje.

Komisija za izbor i imenovanja razmatrala je Odluku i pripremila Prijedlog Odluke o potvrđivanju Odluke o imenovanju sudije Ustavnog suda Federacije Bosne i Hercegovine.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 47 glasova za, donio Odluku o potvrđivanju Odluke o imenovanju **Farisa Vehabovića** za sudiju Ustavnog suda Federacije Bosne i Hercegovine.

b) Prijedlog Odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine

Prijedlog Odluke utvrdila je Komisija za izbor i imenovanja.
U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno usvojio Odluku o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine, kojom je:

- u Zakonodavno-pravnu komisiju za člana izabran **Kenan Keserović**,
- u Administrativnu komisiju za člana izabran **Hasan Tafro**,
- u Komisiju za izbor i imenovanja za člana izabran **Emir Frašto**,
- u Komisiju za jezička pitanja za članicu je izabrana **Dženana Zlatar** umjesto Mirsada Pindže,
- u Komisiju za jednakopravnost spolova za člana je izabran **Hasan Tafro** umjesto Mirsada Pindže,
- u Mandatno-imunitetsku komisiju za člana izabran **Kenan Keserović**,
- u Odbor za ekonomsku i razvojnu politiku, finansije i budžet za člana izabran **Emir Frašto** umjesto Igora Rajnera,
- u Odbor za privredu za člana izabran **Hasan Tafro**,
- u Odbor za prostorno uređenje, ekologiju i stambeno-komunalne poslove Snježana Milavić **prestala** biti članica.

* * *

Sjednica je završena u 18.02.

Magnetofonski snimak sjednice i prijepis snimka sjednice čine sastavni dio Zapisnika.

SEKRETAR

Izmir Hadžiavić

PREDSJEDAVAJUĆI

Stjepan Krešić